

UGOVORNE STRANE:

1. Veterinarski fakultet u Sarajevu (u daljem tekstu Fakultet) , kojeg zastupa dekan prof.dr. Nihad Fejzić

i

2. KJP „Poljoprivredno dobro Butmir“ d.o.o. Sarajevo-Ilidža (u daljem tekstu PD „Butmir“), kojeg zastupa direktor Memišević Mirsad dipl.ing.polj.

Zaključili su dana 07.01.2013.godine sljedeći

UGOVOR

o nastavnoj, naučnoj i stručno-tehnološkoj saradnji

I- PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na farmi;
- kontrola kvaliteta stočne hrane koja se koristi u ishrani grla na farmi;
- kontrola mlijeka;
- ispitivanje i utvrđivanje zdravstvenog statusa grla s farme;
- dijagnostički, preventivni i terapijski tretmani.

II-DOPRINOS PD „BUTMIR“

Član 2.

U cilju realizacije ovog ugovora PD „BUTMIR“ se obavezuje da će:

- obezbjediti nesmetan pristup akademskom osoblju i studentima Fakulteta u krug farme, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom na farmi;
- obezbjediti parking prostor u krugu farme za službena vozila fakulteta kojim će se studenti dovoziti i odvoziti na nastavu;

- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- obezbjediti adekvatan prostor za smještaj nastavnih životinja Veterinarskog fakulteta (5 konja, 5 krava i 10 malih preživara);
- obezbjediti adekvatnu ishranu i osnovnu brigu za nastavne životinje Fakulteta;
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u kontroli proizvodnje, kvaliteta i higijenske ispravnosti mlijeka i mliječnih proizvoda te kontroli stočne hrane;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

II- DOPRINOS FAKULTETA

Član 3.

U cilju realizacije ovog ugovora Fakultet se obavezuje da će:

- za PD „Butmir“ obavljati stručnu i nepristrasnu kontrolu kvalitete, sirovinskog sastava i posebnih svojstava stočne hrane koja se koristi u ishrani grla na farmi;
- za PD „Butmir“ obavljati dijagnostičke, preventivne i kurativne tretmane za koje veterinarska služba farme nije osposobljena, odnosno na osnovu zahtjeva veterinarske službe farme;
- za PD „Butmir“ obavljati kontrolu proizvodnje, kvaliteta i higijenske ispravnosti mlijeka;
- za PD „Butmir“ obavljati laboratorijsku analizu uzoraka krvi uzetih od grla sa farme u skladu i na način kako je to propisano programima kontrole bolesti koje su regulisane zakonskim propisima;
- Renovirati, adaptirati i održavati objekat koji je PD «Butmir» ustupio fakultetu za potrebe izvođenja kliničke nastave.
- Obezbjediti stručno lice (diplomiranog veterinara) koje će koordinirati i provoditi tehničke poslove za potrebe izvođenja nastave.

Član 4.

PD „Butmir“ će obaveze iz člana 2. ovog ugovora izvršavati bez naknade.
Veterinarski fakultet Sarajevo će obaveze iz člana 3. izvršavati bez naknade.

IV-PRIJELAZNE I ZAVRŠNE ODREDBE

Član 5.

Ugovor se zaključuje na period od četiri (4) godine od dana potpisivanja istog, i ne može se prećutno produžiti.

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.


Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

KJP "Poljoprivredno dobro „Butmir“ d.o.o.


Veterinarski fakultet u Sarajevu

Sarajevo-Ilidža


Memišević Mirsad, dipl.ing.polj.

3200 18/0513

14.04.07.01.2013.


prof.dr. Nihad Fejzić
08-05-58-1/13
07.07.2013.